



40. ԱՆՆՄԱՆ ՄՈՒՔԱՅԵԼ

Կէղի, չէղի, խընձ աստված աղեկ չէղի: Կէղի թաքավոր մի, ուր կնիկ. էտոնց ավլատ-թավատ¹ չկա:

Թաքավոր ուր կնիկ կխնթրվին աստըծուց, կասին.— Աստված, մեղի ավլատ-թավատ էղնի, յոթն օր եղ ու մեղր ցրվենք:

Կիքա ղավրեշ մի, խնձոր մի կխանա, կիտա թաքավորուն, կասա.— Կտոր մը դու կեր, քու կնիկ, կտորմ էլ քու ձին ուտա, օր քուռակ էղի: Քու ճիժ օր կէղնի, անուն չտնես, չում ես հիդամ:

Ին ամիս օր կթըմի, ճիժ կէղի, ձիուն լի քուռակ կէղի: Իրեք չորս տարի կընցնի, դըռ չկնքեն:

Թաքավոր կասա.— Դավրեշ չէկավ, բերենք մեր ճիժ կնքենք:

Կտնեն օր կնքեն, ղավրեշ կմտնա ներս:

Կասա.— Հորի²ն բելա² զի կկնքես:

Թաքավոր լի կասա.— Հըմալ մը իշկի, իշկի դու չէկար, ես լի կկնքինք:

Դարվեշ կասա.— Ծփի անուն դնես Աննման Մուքայել, քուռկու անունն լի՝ Կամար-թայի:

Թաքավոր տղեն կտանա դնա ուսումնարան: Տղեն իրեք-չորս տարի լի էնտեխ կմնա, աշխրրից, էրկրից բեխաբար էր: Մեկ օր միսով կերակուր պերին, օսկոռ խետն էր. օսկոռ թալեց, փանջարեն կոտրեց, արև զարդեց, փանջարից մտավ ներս: Աննման Մուքայելն ասաց.— Ընձի հորի²ն չը խանեք դուս, աշխար կա, արև կա,

¹ Սերունդ, զավակ (Մ. Բ.):

² Առանց (ինձ) (Մ. Բ.):

համալսական կա, իմա՞լ ընծի շխանեք դուս։ Գացե՛ք, Թաքավորին ասեք, ես կընկնիմ դուս, խերիք ա, ես չմնամ ներս։

Գացին Թաքավորին ասին.—Քու տղեն կասա. «Ես դեմնիմ դուս, չմնամ ներս, աշխարք կա, արև կա»։

Թաքավորն ասաց.— Ինչ կանդար օր ճանի խաղցող, բըռի՛ խաղցող, ձիավորի խաղցող, սաղ զարկող կա, պըտի ըլնի դուս, իմ տղեն տեսի, տեսնիմ որ մեկին կխավնի։

Թաքավորի տղեն ա, խանեցին դուս, խեր ըսկսավ եղ ու մեղը ցրվել։ Տղեն բանի շխավնավ, ձիավորի մինակ խավնավ։ Տղեն ձի հ՛ուզեց խեծնելու։

Թաքավոր ճամփեց ուր Կամար-թալին, տղեն խեծավ, խեծավ խառ տվեց, պառավմ՝ էկավ էն դեխեն, եղ ու մեղը կար ամնի մեջ, տղեն ջրինդով զարկեց ամնին, աման կոտրավ, եղ ու մեղը թափավ։

Պառավն ասաց.— է՛յ, Թաքավորի .ողա, չը կիմիշիմ անիծեմ, մեկ օրթի ես, իրեք շարեքի դուլ մաշիս։

Տղեն հ՛ընգավ քիթ ու պերնի վրեն, ուշքն հ՛ընցավ։

Էկան ամեկ Թարաֆեմ, տղին խանին վեր, Թաքավորն ասաց.— Տեսեք ի՞նչ զուզա իմ տղեն։

Գացին հարցուցին.— Ի՞նչ գուզես։

Ասաց.— Իրեք շարեք գուզեմ։

Զը գիտեն «իրեք շարեք» ի՞նչ է, ի՞նչ չէ։

Կբերեն օսկի իրեք շարեքնոցմ՝ կուտան տղի ծեռ, տղեն կըզարկա տվողի քիթ ու բերան, կասա.— Աղջիկ իրեք շարեք գուզեմ, դուք օսկի կբերեք, ես ի՞նչ անեմ զօսկին։

Լ՛սդախ էկավ ասաց.— Նանե՛, ափո՛, ծեր խաց ու ճուր խալալ էնեք, իջտե ես կէրթամ, խուռջիմ օսկի, Կամար-թալին կիտաք ընծի, ես կէրթամ։

Աննման Մուքայել խեծավ ձին ու խուռջի օսկին թալեց վրեն, ընգավ ճամբախ գնաց։ Իրեք մարթ էնտեխ կանած ին, կռիվ կէնին հ՛իրարու խետ։

Աննման Մուքայել ասաց.— Ինչի՞ կռիվ կէնեք։

էն լե վերցուց ասաց.— էդա իրեք պանի վրեն կռիվ կէնինք, մեկը՝ կասկըբեին, մեկ՝ սեջադեն, մեկ լե՝ աներևութ քուղո։

Աննման Մուքայել խարցուց.— էտոնց խուռարն² ի՞նչ է։

էնոնք լե կվերցուն կասին.— Սեջադեն օր կապես մեջք, ասես ընծի դոր գիր՝ էն դեխ քեզի կդնա, քուղո լե օր դնես քու գլոխ, ան-

1 Մանկական խաղ (Մ. Բ.)։

2 Շնորհք (Մ. Բ.)։

երևութ կէդնիս, կասկըրեկի՝ խունարն էլ, օր դնես ծովու վրեն,
կէդի կարմունջ:

Թաքավորի տղեն կվերցու իրեք քար, կառնի ուր ձեռք, կթա-
լա, կասա.—Վո՛ն օր էս քար շուտ առաւ էկավ, սեջադեն կիտամ
ընդոր, վոն օր հ'անգան էկավ՝ քոլոզ կիտամ, վո՛ն օր հ'ետե էկավ՝
կասկրեկ կիտամ ուրին:

էնոնք թորկին գացին քարերու հ'ետե: Աննման Մուքայել առեց
սեջադեն կապեց ուր մեղք, քոլոզ դրեց ուր դուխ, կասկրեկն առաւ
ուր ձեռք, ասաց.—Իրեք-չարեք աղչկա մոտ զիս դնես:

Սեջադեն տարաւ դրեց Իրեք-չարեք աղչկա մոտ: Աներևութ
քոլոզ լե գլուխն ա, մարթ չտեսնա ուրին: Զուր իրիկուն օր էդավ,
Աննման Մուքայել քոլոզ վերցուց՝ դինք տվեց աղչկան շանց:

Իրեք չարեքն վերցուց ասաց.—Կնա՛ դեն, ես Աննման Մուքա-
յելի մաշուղն եմ:

Աննման Մուքայելն էլ ասաց.—Կնա դեն, ես լե Իրեք չարեք
աղչկա մաշուղն եմ:

էն օր էնման կասա, գիմնան, կճանչնան զիրար:

Կասա.—Ապա իմա՞լ էնենք, իմ խեր ու մեր ընծի շիտան քեդի:

Կասա.—Ես կառնիմ փախնիմ քե:

Կասա.—Կանա՞ս, ես մե թաքավորի աղչիկ եմ, իմ խոր աս-
քար շատ կա, իմա՞լ կառնես կփախիս:

Ասաց.—Քըզի կառնիմ փախիմ:

Կասա.—Սեջադա, քըզնե գուզեմ, ընծի ու Իրեք-չարեք վերցես
դնես յոթ ծովու կղզուն:

Սեջադան կվերցու գԱննման Մուքայել ու գԻրեք-չարեք, աչք
բանալուն խփելուն կտանի դնի յոթ ծովու կղզուն:

էն տեսնե Աննման Մուքայել կասկրեկն կթալա վըր ծովուն,
կէդի կարմունջ, հ'ընցնին:

Ըստեխ դառնանք Իրեք-չարեքի խոր՝ թաքավորի վրեն:

Թաքավոր կասա.—Վո՛ն օր իմ աղչիկ պիրա, կիտամ ուր տղին:

Պառաւիմ՝ էն դեսնե գիքա կասա.—Թաքավոր ապրած, իզին
տուր, ես կէրթամ քու աղչիկ կպերեմ:

Պառաւին ա, հ'ելաւ խեծաւ ծծում ու գնաց: Ծծում թալեց ծո-
վու երեսին ու գնաց: Գնաց խասաւ յոթ ծովու կղզուն, հ'ելաւ դուս,
խասաւ Իրեք-չարեքի դռան, կանչեց ասաց.—Իրեք-չարե՛ք, դուռ
բաց:

1 Կասկարա՝ շորս ոտանի կրակարան, նաե մանկական խաղի մի տեսակը
(Մ. Բ.):

Իրեք-չարեքն ինքն ուրին ասաց՝ «Պառավ օր գա, խաթա ա-
րալա ա, գուռ չրանամ»:

էկավ Աննման Մուքայել էնգեխեն, ասաց.— Իրեք-չարեք,
Իրեք-չարեք, դուռ րաց, էտ պառավ թըխ գա ներս:

էն լե ասաց.— Պառավն օր գա, խաթա յա, մը բերա, վնասութեն
կբաշես կտորից:

Աննման Մուքայել պառավն առեց ներս: Պառավ շարաթ մի
մնաց ներս, դարուբար՝ ավլեց, խորթեց, թամուզ պախեց:

Աննման Մուքայել ասաց.— Տեսի՞ս ինչ թամուզ պառավմ՝ է,
չառնիր ներս:

Աննման Մուքայել տնեն թորկեց գնաց օլորդելու, պտտվե-
լու:

Պառավն ասաց.— Իրեք-չարեք, հ'ելի էրթանք ծովու պոկըներ,
թամաշա էնենք էն դարուբար: Գացին ծովու պոկըներով, պառավն
ասաց.— էնա տեղ ծծում կա, էրթանք թամաշա էնենք, տեսինք
ի՞նչ կա մեջ:

Պառավն իշկաց ծծումի մեջ, ասաց.— Աղութ, զմրութ կա մեջ,
Իրեք-չարեք, իշկա՛, իշկա՛, տես:

Իմալ օր կզի ծծմի մեջ կիշկա, կթալա ծծմի մեջ զԻրեք-չարեք,
պերան կկոծա, կթալա վըր ծովուն կէրթա: Թալելու քիմին Իրեք-
չարեք կծուի մեջ, խելք կթալա:

Պառավն կտանա զէտ Իրեք-չարեքին, կխանա ուր խոր մոտ:
Թաքավորին կասա.— Թաքավոր ապրած, քու ազլիկ բերի,
բալե² ծներ ա:

Ըսդախ թաքավորի աղչիկ կտանին մտուն տուն մի, դուռ
փակեն վրեն, խաց ու ճուր էրթըքեն կիտան:

Դառնանք Աննման Մուքայելի վրեն:

Աննման Մուքայելն է, կիքա էնտեխեն տեսի օր նա՛ պառավ,
նա՛ Իրեք-չարեք, չի կա: Աննման Մուքայել կելնի քոռ փոշման թոր-
կի կէրթա: Սեշադեն լե կապերա Իրեք-չարեքի մեճաց: Աննման
Մուքայելն ա յոլ ու ունվան էղավ, հ'ընգավ ճամփու խետ գնաց:
Գնաց տեսավ օր ճամփու վերեն քոշկ մի կա: Աննման Մուքայել
կզարկա, բլու, մտնա ներս, աղչիկ մի կտեսնա ներս:

Աղչիկ կասա.— Հ'որի՞ն էմլա էնեցիր, իմ յոթ ախպեր գացած
վեր ինձի կոխի:

1 Տուն ու տեղ (Մ. Բ.):

2 Միայն, սակայն (Մ. Բ.):

Քու ախպոր ճամբախ դո՞ր վեր ա, տու՛ իմ շանց, ես էրթամ
էն տեխ:

Աղչիկ տվեց շանց, տառցավ էկավ տուն:

Աննման Մուքայելն ասաց.— Կէրթամ բարե կիտամ, որ մեկն
օր առավ իմ բարե, ընդոր թարաֆեն կէղիմ:

Խառավ կովու տեխ, րարե տվեց, շատ ասքարն շառավ, յոթ
ախպերն առան ընդոր բարե:

Աննման Մուքայել զարկեց ղկոշում, հ'ըմեն զարկեց:

Ըսդախ էն յոթն ախպեր դարցան իրարու տանըձմիշ էղան, ա-
սին.— Ի՞նչ իտանք էդա մարթուն օր լայեղ էղնի, մեր քուր իտանք
էտոր, օր լայեղ էղնի:

Պատիկ ախպոր կասեն.— Գնա՛ հ'առեճ, խաց, կերակուր տուր
էփեւ, մսաֆեր կիքա:

Ախպեր տեսնի օր պատ բլուկ ա, համա թողնի դառնա ախ-
պըրտոց մոտ, կասա.— Մեր տան պատ բլուցած է, չըմ գիտի, մեր
քուր տարած, չէ՛ թորկած:

Աննման Մուքայել կասա.— Մը՛ քըրբոտիք՛ ես եմ էրեր եմ,
ժեր քուր մարթ չը տարեր ա:

Կուրախնան, կընգին ճամբախ կիգան²:

Խասան տուն, խաց դրեցին հ'առեճ կերան:

Ախպերներ Աննման Մուքայելին կասեն.— Մեր քուր կիտանք
քեղի, քու լայեղ մենակ մեր քուր կտեսնանք, էլ ուրիշ բան չու-
նինք:

Աննման Մուքայել կասա.— Ծեր քուր թըխ մնա ըստեխ, ընձի
մուրազ կա, էրթամ իմ մուրազին հասիմ նոր հ'իգամ ժեր քուր տա-
նիմ:

Աննման Մուքայել բարե մնա էղավ էտոնց մոտեն, հ'ընգավ
ճամբախ, էկավ: Էկավ, խաս բախչիմ՝ ոստ էկավ: Նուռ մի կփըր-
ցու ուտա, աղչիկմ՝ էն տեխեն տեսի զէտ Աննման Մուքայել, աչք
կթալա Աննման Մուքայելին, կասա.— Ընձի շառնի՞ս:

Հասա.— Կառնիմ, հ'որի՞ն չըմ առնի, խընց քըզի աղե՞կն պի-
տի առնեմ:

Աղչիկ զԱննման Մուքայել կանա խնձորմ՝ կթալա ուր շեր:
Կը թալա ուր շեր օր ուր դե խեր շիգա զԱննման Մուքայել զայ էնա:

Դեն էկավ էն դեխեն, ասաց.— Մարթ, մարթախոտ կիգա:

1 Զայրանալ (Մ. Բ.):

2 Բնագրում՝ էկավ (Մ. Կ.):

Աղչիկն ասաց.—Սարեն, ձորեն տու կիքաս, մարթ, մարթա-
խոտ քեղնե կիդա:

Դեն ասաց.—Քու ջեր խնձոր կա, մարթն էրեր ես խնձոր, թա-
լեր ես քու ջերն, դուրս խան, զայ չըմ էնեմ, հ'երգվա:

Աղչիկն խնձորն խանեց դուրս, զարկեց դետին, էղավ Աննման
Մուքայել:

Աղչիկն ասաց.—Քըղի կառիմ:

Աննման Մուքայել ասաց.—Ընձի մուրազ կա, խասիմ իմ մու-
րազին, նոր քերին՝ կտրեմ:

Կէրթան րաղչի մեջ պըտոտվին, քեֆ կէնեն:

էն տեխ նուռ մի կիսա կուտա, ախ կքաշա Աննման Մուքայել,
զիրեք-չարեք կընդնի միտք:

Աղչիկ կըռկի կէրթա նստի մեկ թարաֆ, Աննման Մուքայելն էլ՝
մեկ կողմ:

Դեն իմացավ թե էտոնք խռովան իրարմից, շուտ էկավ տուն:

Դեն ասաց.—Աղչի՛կ, հ'որի՞ն խռովեր ես Աննման Մուքայելից:

Ասաց.—Ըպա ինչի՞ ախ կքաշա:

Խեր կասա.—Իրեք-չարեք իտոր նշանածն ա, մոտեն տարած
են, ծներ ա, հ'ընդավ միտք՝ դուց ա՛խ քաշեց:

Դե կասա Աննման Մուքայելին.—Քըզի կուզե՞ս օր խասու՞մ
Իրեք-չարեքի մոտ:

էն էլ կասա.—Ըպա չըմ հ'ուզե՞մ:

—Օր հըմալ ա, լուսումնութ կելնիմ, դու կանաչ շոր խադա,
կանաչ շոր կապա քու զլուխ: Ես քըզի դեղ կիտամ, ես չըմ մտի
քաղքի մեջ: Ես էրկու իրեք խոքի կծուըցում, դու դեղ տու սաղցու:
Թաքավոր օր տեսավ քանիմ մարթ սախցուցիր՝ քեղի կկանչա ուր
Իրեք-չարեք լե սաղցու:

Դեն առավ Աննման Մուքայելն տարավ իշուց քաղքի մեջ՝
էրկու իրեք խոքի դեն ծըռըցուց, Աննման Մուքայելն սաղցուց:

Գացին թաքավորին ասեցին.—Թաքավոր ապրած կենա, հըմալ
Շեխս՝ էկեր ա, ինչ ծուռ, հ'ընդնավոր էղի՛ կսաղցու:

Թաքավոր ճամփեց զէտ Շեխ բերաց, ասեց.—Արի զիմ աղչիկ
սաղցու. թաքավորութենի կեսն կիտամ քե:

—Վեր իմ աչիչ, կսաղցում:

էնդախ օր Աննման Մուքայել մտի ներս, Իրեք-չարեք կսաղնա:

1 Մահմեդական պսակադրութիւն (Մ. Բ.):

Պառավ կիզա էն դեխեն կասա.— Թաքավոր կավլ¹ էինք, կառեմ իմ քաշալ աղին:

Աննման Մուքայել պառվուն կասա.— Կառիմ էրթամ բաղնիք լվանամ, արի տար քու տղին:

Կառի ղպառավ ու Ղիրեք-չարեք կէրթա:

Ճամբախ խասան ծառիմ մոտ, Աննման Մուքայել էրկու ծառ կրերա իրար մոտ, պառավ կկապա ծառերուց, կթորկա, պառավ կեղի էրկու շաղք²:

Կառնի Իրեք-չարեք կէրթա բաղնիք լողկըցու:

Կառնի սեջադեն, կասա.— Սեջադե՛, քըղնե կուզեմ ընձի, զԻրեք-չարեք առնես դեի տուն դնես:

Սեջադեն կվերցու զէրկուս, տանի դնա դեի տուն:

Կմնա քանիմ օր, կասա.— Դե կացեք իրարու կուշտ, ես կէրթամ մեկեկ կնիկ լե պերեմ:

Կնստի սեջադի վերեն, կխասի յոթն ախպոր մոտ, կասի.— Ծս իմ մուրազին խասա, տվեք ձեր քուր առնիմ էրթամ:

Կառի աղչիկ, բարե-մնա կէղի, կառի դա: Կիքա իրեք կնիկ մեկ տեխ են:

Դե կթորկա էրթա սար: Աննման Մուքայել, իրեք կնիկ կէրթան խաս-բախեն, Աննման Մուքայելն նուռ մ'օր կիսեց, ա՛խ քաշեց:

Հսդախ կըռկին իրեք լե նստին ամեկ դեխով մի:

Կասեն.— Մըզի չը խավնի՞ս, օր հըմլա ա՛խ քաշեցիր:

Դե չն տեխ կիմնա, օր թե իրեք լե ըռըկած են:

Իրիկուն կիքա դե տուն, կասա.— Աղչկեն՛ր, դու հ'որի՞ հըմլա ըռըկեր եք Աննման Մուքայելից, Աննման Մուքայելի խեր ու մեր Աննման Մուքայելի հ'ապով լացած ա, աչկեր քոռցած ա, ըստեխ խորոխպերն վերցի թալի բաղնիքի տանիք, ինք նստի թախթի վըրեն: Էն «ա՛խ» չքաշա, ըպա վո՞ն քաշա:

Դե կասա Աննման Մուքայելին.— Կուզե՞ս քըզի խասցում քու խորն ու մոր:

Կասի.— Էլի լուսումութ, քըզի դեղ կիտամ, առ էրթանք իմ խետ, ես չմտիմ քաղքի մեջ, քու խերն ու մեր բաղնիքի տանիքն են, դեղ թալա աչքեր թըխ սախնա:

Հ'եկան գնացին Աննման Մուքայելի հոր քաղաք:

1 Պայման (Մ. Բ.):

2 Կտոր (Մ. Բ.):

Աննման Մուքայել հ'ելավ էկավ խոր ու մոր մոտ: Խեր ու մեր
վերցին ասին. «Ա՛խ, Աննման Մուքայելի խոտ էկավ»:

Խերն ասաց.— Էտ հ'ուստե՞ն էկավ, ինչ գիտեմ մեռի, ապրի:
Աննման Մուքայել համան դեղ ցըպնեց աչքեր: Խերն ու մեր
սաղցան:

Գնաց միս ու խաց առավ էկավ, բերեց տվեց խորն ու մոր,
վերան, անոթի ին:

Աննման Մուքայելն խարցուց.— Ափո՛, քու թուխթ վո՞ն առի
քու ծեռնեն:

Ասաց.— Քու խորոխպերն առի, դի թալե տուն:

Ասաց.— Կանի էրթամ իմ խորոխպոր մոտեն հ'ուզեմ, տես-
նանք կիսա՛, չի տա՛:

Գնաց խորոխպոր մոտեն թուխթն հ'ուզեց, խորոխպերն ա-
սաց.— Չրմ իտամ, ես կճանշնա՛մ, դու վո՞ն ես:

Ըսդախ դեն կժրխշա հ'օդեն:

Խորոխպեր վախեցավ, հ'ելավ հ'օդից ասաց.— Կա՛նի, կա՛նի,
ես կելիմ:

Աննման Մուքայել տարավ զխերն ու մեր տրեց թախթ, հ'ելավ
գնաց զիրեք կնիկ լե բերավ, նստավ ուր խոր ու մոր մոտ:

Էնոնք խասան ուրենց մուրազին, դու լե՛ քուն:

